



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis

**Meglinger, Joseph**

**[S.l.], Anno MDCLXXXIII.**

18. Septembris. 14. Cal. Octob.

**urn:nbn:de:hbz:466:1-45314**

*pe, in aliorum defectus lynces. Ego tecum oculos in me convertam, aspiciam utique sat gravia pondera, quæ spiritus in sublimè tendentes supprimant.*

S. BERNARDUS, ser. 34. in Cant.

*Oportet humiliter sentire de se, nitentem ad altiora; ne dum supra se attollitur, cadat à se, nisi in se firmiter per veram humilitatem fuerit solidatus.*

Humilitas.



18. Septembris. 14. Cal. Octob.

**B.** VULCHINE Abbas & Auctor *Floruit*  
 Monasterii Sichemensis in Saxonia. *anno*  
 Vocabant ad hos labores te ex Vol. *1141.*  
 kenrode nota pietatis tuæ merita,  
 publico illic theatro dignitatis exponenda. Gaudebant eorum fructibus  
 Conventuales filii, quos animarum &  
 corporum nutrimento pavisti sollicitus: inde pauperum greges non solum *Fove*  
 qui ad Monasterii januas opem flagi- *egenos.*  
 tabant, sed quos vel malè tecta tugurii  
 a vel xenodochia occultabant: tales enim studiosè perquisitos omni charitatis  
 effusione fovebas. Et annuere cœlum sancto fervori miracula testabantur,  
 quæ manuum tuarum ministerio contingebant non rarò: quin &

L 1 4

afflicto.



afflictorum asylum fuisse cineres tuos  
tota illic Vicinia fuit experta. Nun-  
quam deest piæ Voluntati cælum suis sub-  
sidijs, quæ tamen nos plerumque nostrâ  
solicitudinâ solemus negligere, irreparabili  
nostro damno, tum nempe ad præteritos  
annos respicientes, cum optimam vitæ par-  
tem malè dilapsam dolemus.

*Floruit* B. STEPHANE, natione Angle,  
*anno* moribus & vita Angele. Sed quid ali-  
1254. ud disceres, Angli item atq; Angelici  
Doctõris S. Edmundi, Parisiis Sacras  
Literas ex cathedra docentis, alum-  
nus? Viderat is è schola egredi 7. ar-  
dentes insolita luce faculas: quæ po-  
stera die sese librauerunt in altum, cum  
quidam Cisterciensis Abbas Palæstram  
literariam visens, te, sexque alios se-  
cum ad Monasterium Savigniacense  
discipulos eduxit. Ubi paucis annis à  
tyrocinio electus in Abbatem Matri  
Clarævalli ita placuisti, ut te adopta-  
ret in Patrem, daturum lucem, quam  
nulla secula extinguent. Cum enim  
alii post Cistercium exorti Ordines ve-  
nerationem sibi ex non sola pietate,  
sed junctâ eruditioni, conciliarent,  
commune Gymnasium Parisiis, S.  
BERNARDI appellatum, generosa  
industria erexisti, firmastique proven-  
tibus & brachio Apostolico. Sed ut  
nova

*Vatici-  
nio  
præce-  
dente S.  
Ordinē  
ample-  
ctitur.*

*Predi-  
cat. &  
Franci-  
scani.*



nova vetustatem solam in pretio ha-  
 bentibus displicent, Auctoritatis limi-  
 tes videbatur prægressum, licet nobi-  
 lissimum opus. Hinc cedere jussus, ni-  
 hil contra Obedientiam movisti, *Obedi-  
 tiæ sese  
 humili-  
 ter sub-  
 dit.*  
 quanquam Authoritate Apostolica  
 restitutus in gradum meritæ dignita-  
 tis ab Alexandro; quin tibi uni vaca-  
 turus Monasterium Ursi-Campi elegi-  
 sti pro campo Martio, in quo ultimam  
 cum morte luctam decertares. Jam-  
 que nuncii Romani Infulas Episcopa-  
 les deferebant, in patriam à te glorio-  
 sè transportandas: at melior Angelo-  
 rum patria te jam in felicitis æternitatis  
 gremium receperat. *Erubesco frigidã me-  
 am in Obedientia tarditatem, cum te con-  
 sidero è tam sublimi loco, contempta igno-  
 miniã generosè descendente, me verò tam  
 oscitanter implentem facillima superiorum  
 mandata. Deinceps obtemperare studebo  
 consilio, quod suggerit.*

S. BERNARDUS, serm. 3. de Circum.

*In cogitatione tua semper partem ma-  
 gistri, quoad potes, adversus te ipsum* *Obedi-  
 entia  
 nota.*  
*juva, teque in omnibus accusare, ip-  
 sum verò magis excusare labora.*

